

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة ولادة الأمر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - المحدث : الألباني - المصدر : صحيح الترغيب - خلاصة حكم المحدث : صحيح

على بركة الله نبدأ تفريغ المحاضرة الخامسة في شأتر ال Respiration
ربنا يبسر وتخلص في أقرب فرصة إن شاء الله ، دلوقتي الساعة 5 و 47 دقيقة مساءً يوم الاثنين 1 أبريل 2013

إيه أشهر الأسئلة في كتاب ال Respiration ???

أقوله عبر التاريخ ، السؤال رقم واحد ، « curve الأوكسجين بتاع النهاردا
السؤال الي بعده ، « بتاع الحصة الي جاية إن شاء الله ، « حاجة اسمها colloid shift phenomenon
أشهر سؤالي في ال respiration

النهاردا بنأخذ أشهر سؤال في ال respiration

Oxygen dissociation curve

نظري مهم ، وسؤالي بنجمتين ثلاثة ولا على حاجة
السؤال يجيلنا في الإمتحان ، اشرح ال oxygen dissociation curve

عايز أقول حاجة ،
أولاً كلمة dissociation ، هنفهم معناها بعد خمس دقائق إن شاء الله
oxygen dissociation curve
هنفهم يعني ال dissociation curve بعد خمس دقائق

السؤال ده إجابته طويلة ،
الإجابة عبارة عن 3 صفحات دي جرام متتالية

إنت عارف بعد ما نخلصهم بإذن الله
هيتبقا ال CO₂ transport ونروح

لأننا أساساً جايين نشرح السؤال ده النهاردا
3 ورقات ورا بعض في المذكرة معاكم

تعالوا نخط قاعدة ما بينا وبين بعض

VISIT...

LANZAROTE
Caliente.COM

اليوم ما يسألوك في الإمتحان عن أي curve « يبقا أول حاجة تعملها في إجابة السؤال ترسم ال curve قصادك »

مفیش حاجة اسمها جاي curve في الإمتحان ،، قاعد أكتب ومرسمتش
يا سلاااااااااااااااا !!!

کده تتشال منك نمرتين تلاته علطول

أي curve يجيلك في الإمتحان
ييقا أول حاجة تعملها ترسم ال curve

وهتكتب إيه عنه بالظبط أقولك حاجة ،، دا يساعدك على إنك تتذكر المعلومات بتاعت الـ curve

فيه ناس تقولك : يا عم دا قالنا ارسم الـ curve

يجب في الإمتحان ، ورقة الإجابة ، عمال يكتب يكتب يكتب ، يكتب يكتب ، ملى الورقة

وافتكر، يا خبر أبيض !!! دا قالنا ارسموا ال curve الأول

يروح جاي في الهامش الأبيض اللي فوق اللي هو2 سم ولا حاجة ،، ويحط رسمة كده ،، أهّي أهّي
حاجة كده طابرين في الهواء
دى رسمة ال curve !!!

وأسأله برة ،، رسمت ال curve ???

أَيُّوَةُ رَسْمَتِهِ

دا يتشاله النمريتين ولا التلاثة بتوع ال curve علطول

ال curve يت رسم بحجمه الطبيعي

على نص ورقة ، زي ما هو مرسوم عندكم في الكتب

نص ورقة وبالمسطرة وبالقلم الرصاص ، وحاجة محترمة

أي curve في الدنيا، أي curve في العالم

أول جملة فيه محجوزة ،

لازم تقوی : دا علاقة ما بين مين ومين ؟؟؟

مفیش حاجة اسمها ترسم curve أفقی ورأسی ،، من غیر ما نقولی الأفقی مین والرأسی مین

يبقا النهاردا اتفقنا مع بعض اتفاقين ،، تعاهدنا على حاجتين في سؤال أي curve :

- أولاً نرسم ال curve بحجمه الطبيعي
- ثانياً ،، الجملة الأولى في أي curve محجوزة ،، لازم تقول ال curve ده علاقة ما بين من ومن؟؟

طیب

ال curve عندك « أدى الأفقى وأدى ال horizontal

الأفقى بتاع ال « oxygen tension curve

بوحدة ال mmHg (millimeter mercury) وحدة الضغوط

ال percent of saturation ، نسبة تشبع الهيموجلوبين بالأوكسجين على الرأسى

سؤال ،، ال curve الأوكسجين بقا ،، الي هو السؤال الي بيحي في الإمتحان

الإجابة عبارة عن إيه بقا ؟؟؟

إجابة هذا السؤال ،، عبارة عن 4 أجزاء

يوم ما تتكلم في الأربع أجزاء ،، هتأخذ العلامة بتاعتك كاملة

الأربع أجزاء بيدوروا حوالين إيه في إجابة هذا السؤال ؟؟؟

بيدور يا أولاد حوالين مادة الهيموجلوبين

تصور إن الأربع أجزاء بتوع إجابة السؤال كلهم بيدوروا حوالين الهيموجلوبين

المادة الغريبة العجيبة دي يا أولاد ،، الي ربنا حاطه لينا جوا كرات الدم الحمراء (RBCs)

العريات الي بتشيل الأوكسجين للخلايا

أقولكم حاجة ،،

ربنا عمل في مادة الهيموجلوبين الي بتشيل أوكسجين من عند الLung

توصله لل tissues أربع معجزات في ال hemoglobin

ربنا عمل 4 معجزات إلهية في الهيموجلوبين

هما دول الأربع أرباع بتوع إجابة سؤال curve الأوكسجين

هنتكلم في الأربع معجزات بتوع الهيموجلوبين

إن شاء الله

كل أعجوبة ومعجزة هي ربع الإجابة على هذا السؤال

لما تتكلم في الإمتحان على الأربع أعاجيب (المعجزات الإلهية) بتاعت ربنا في الهيموجلوبين ،،

كده تأخذ علامتك كاملة في السؤال بإذن الله

تتوكل على الله ،، ونبدأ الربع الأول في الإجابة ،، **والأعجوبة الأولى**

إيه الأعجوبة الأولى في مادة الهيموجلوبين دي ،، العريات الي بتشيل الأوكسجين للخلايا ؟؟؟

الهيموجلوبين دا مادة غريبة أووي يا أولاد ،،

الهيموجلوبين ربنا خلقه عند الLung يحب يشيل أوكسجين كتير

يحب يشيل كتير دي يعني بيحصله saturation (تشبع)

كمان مرة ،،

الهيموجلوبين عند الlung يحب يشيل oxygen كتير

يحب يتملي أوكسجين ،،

الكوباية تحب تتملي أوكسجين عند الLung

يتملي أوكسجين دي ،، يسموها كلمة saturation

تصور ،،

هو هو الهيموجلوبين عند الtissue

عند الtissue ،، الهيموجلوبين بيكره الأوكسجين ويسيبه

كلمه يسبب دي ،، اسمها dissociation

يعني يسحب الأوكسجين
والله دي أعجوبة ،
إنتوا مش مصدقين ، يا أولاد ، لو سألت أي واحد فيكم ، فلان : إيه رأيك فيه ؟؟؟
هتقولي : يا بحبه ، يا بكرهه ، مش هتقولي الأثنين

إحنا كبشر ، تجاه الشيء الواحد بنحمل إحساس واحد
يا بحبه ، يا بكرهه

الهيموجلوبين مكنش كده جواك ،
الهيموجلوبين عند ال Lung بيحب الأوكسجين ،
ويأخذه ويشيله

يشيله دي اسمها كلمة إيه ؟؟
saturation

هو هو الهيموجلوبين ، عند ال tissue يكره الأوكسجين ويسيبه
يسيبه دي اسمها كلمة إيه ؟؟
dissociation

أنا هقولكم : رقمين ، عند ال Lung يدعموا كلامي
لأن عند ال Lung الهيموجلوبين بيحب يمسك الأوكسجين واسمها saturation
وهقولكم رقمين عند ال tissue ، عشان أوريكم إزاي ال hemoglobin عند ال tissue بيكره الأوكسجين
بيكره دي الي اسمها dissociation

على فكرة ،
وأنا بقول الرقمين عند ال lung
أو الرقمين عند ال tissue
هرسم بيهم ال curve بتاعي

أولاً ، في الإمتحان تحط مقياس رسم كده لنفسك ،
على الأفقي وعلى الرأسى
يعني أنا بكتب أهو على ال Horizontal (ال oxygen tension) بقسمه مسافات متساوية ،
عشرين ، أربعين ، ستين ، ثمانين ، مية ، والوحدة بتاعتنا هنا mmHg (Millimeter mercury)

وعلى الرأسى ، هقسمه ،
علامة ال 50 % في النص ، وعلامة ال 100 % فوق
تقريباً
إنت هتكون أظبط في الرسم ، عشان هتكون أدامك الورقة صغيرة ومعاك مسطرتك وقلمك الرصاص

تعالوا نبدأ عند ال Lung
صحصوا معايا ☺

عند ال Lung

الهيموجلوبين « ييحب يشيل أوكسجين » اسمها saturation

تعال أقولك رقمين عند ال Lung « أوريك إزاي الهيموجلوبين ييحب يشيل أوكسجين عند ال Lung

أولاً «

عند ضغط أوكسجين 100

100 دي يا أولاد « فاكرين يا أولاد ضغوط الأوكسجين كانت كام ???

40 « 100

في ال arterial blood << الي هو جايلنا من عند ال Lung

ضغط الأوكسجين كام ???

100

إنت عارف بلادنا (مصر) لا مرتفعات ولا منخفضات

إحنا بلدنا على مستوى سطح البحر

إنتوا عارفين لو إحنا بنتكلم على مرتفعات « إحنا كل ما بنطلع لفوق «الضغط بتاع الأوكسجين بيحصله إيه ???

بيقل

إحنا في مصر « لا مرتفعات ولا منخفضات

ضغط الأوكسجين في دمنا « ال arterial blood << 100

إنت عارف عند ضغط 100 دا في ال Lung

نسبة تشبع الهيموجلوبين بالأوكسجين % 97

يا خبر أبيض !!!

يعني تقريباً أنا وإنت دلوقتي « كوباية الهيموجلوبين جايالنا من عند ال Lung تقريباً مليانة على الآخر

الأرقام دي مش هزار

دي بتتحفظ

بيقا عند ضغط 100 جوا ال Lung

نسبة تشبع الهيموجلوبين بالأوكسجين % 97

افهم «

% 97 معناه « إن أنا وإنتوا تقريباً الهيموجلوبين جاي من عند ال Lung (الكوباية مليانة على الآخر)

قريبة من % 100

طيب «

كمان رقم عند ال Lung

نفترض قررت تطلع فوق جبل « وإن شاء الله في المحاضرات الجاية هنطلع فوق جبل «

هنحلق في الأفاق هنطلع مع بعض فوق إيفرست

وفي نفس الحصة هنغوص في الأعماق

وهننزل تحت سطح الملية « وهنتفرج إيه الي بيحصل في الغواصات

إن شاء الله « دا أدام شوية (نحلق في الأفاق ونغوص شوية)

أنا هقوم أصلي المغرب إن شاء الله وأجي أكمل بإذن الله
وبعد الصلاة وتليفون أكمل بإذن الله ،،

المهم بقولك : **فوق الجبال ،، ضغط الأوكسجين هيجصل إيه يا أولاد لما نطلع لفوق ؟؟؟**
هيقل ،،

مكتوب عندكم High altitude
ضغط الأوكسجين بيوصل 60

بيقا لو طلعت فوق جبل ،، الضغط 60
ال high altitude ،، 60 الضغط

إنت عارف عند ضغط 60
تشبع الهيموجلوبين بالأوكسجين عند ال Lung بيبقا 90 %
بس كده ؟!!!!
يعني مش فارقة أوووي عن ضغط 100

إحنا كنا عند ضغط 100
ال saturation بتاع الهيموجلوبين عند ال lung كان 97 %

لما طلعتا على ال High altitude
فوق الجبل ،،
ضغط الأوكسجين معانا بقا 60
وقصاها نسبة تشبع الهيموجلوبين بالأوكسجين كام ؟؟؟
90 %

إنت عارف لو وصلت النقطين الأولانين ببعض
يطلعك ال curve عند ال Lung
curve الأوكسجين عند ال Lung ،، هتلاحظوا إنه شكله طلع horizontal
دا خط بالعرض يا أولاد عند ال Lung

إخوانا بتوع كلية الهندسة
لما يشوفوا horizontal << curve
ليهم تفسير هندسي بقا ،،
ركزوا الكلام ده مش هتلاقوه مكتوب في حته ،،

الجماعة بتوع كلية هندسة ،، لما يلاقوا curve مرسوم بالعرض (Horizontal)
ليهم تفسير

بيقولوا إيه ؟؟ دا معناه إيه ال curve ال horizontal ؟؟؟
معناه إن تغير كبير على الأفقي ،، مصحوب بتغير صغير على الرأسي
دا معنى ال curve ال Horizontal في الهندسة

يعني إيه ال curve يطلع معاك خط بالعرض؟؟؟
بيقا تحت بتغير جامد ، والرأسي بتاعك مبتغيرش أووي

هنتقولي : يا عم أنت راجل بتاع فسيولوجي ، ما تديني تفسير علمي للكلمتين دول ، حاجة فسيولوجي بقا ؟
أقولك : هو فيه غيره ،

الحصة اللي فاتت ، أنا وريتكم curve صغير كده زي السوسة
قولتكم مش موجود في كتاب الكلية
موجود في صفحة واحد وعشرين في مذكرة دكتور ناجي ،
كان فيه curve كده صغير ، يقولك : إن ال curve طالع لفوق
علاقة ما بين ال Oxygen tension ، وال oxygen اللي بيتشال على الهيموجلوبين

curve طالع لفوق

بيقا العلاقة هنا direct ولا inversely proportion؟؟؟

direct

وقولت عن هذا ال curve جمليتي التاريخية

إن الأوكسجين in physical (اللي هو بيتحكم في ال oxygen tension) على قلته ،
هو المتحكم في الأوكسجين in chemical على كثرته

بصوا يا أولاد ،

ليه ال curve عند ال Lung ، طلع شكله horizontal؟؟؟

لأن عند ال Lung إنت بتتكلم عن high oxygen tension
الضغط 100 لغاية 60
دي ضغوط عالية

100 & 60 دي ضغوط عالية

ولما يكون يكون فيه high oxygen tension

بيقا فيه high affinity of hemoglobin to oxygen

كلمة affinity يعني تجاذب

يعني الهيموجلوبين يحب يشيل أوكسجين أكثر

وبيقا الطالب الممتاز

يحفظ معايا عند ال Lung

إن ال curve << 3 H

• عند ال lung ال curve طلع شكله << horizontal بحرف ال H

• لأن فيه هنا high oxygen tension بحرف ال H

ال 100 و 60 دي أرقام عالية

وبالتالي فيه ،

• high affinity of hemoglobin to oxygen أدي كمان H

حد حفظ الأرقام الأول؟؟؟

عند ضغط 100 ، ال saturation كام؟؟؟

97 %

والضغط 60 (الي فوق الجبل) ، ال saturation كام؟؟؟

100 %

ال curve طلع شكله إيه عند ال lung؟؟؟

horizontal

بسبب إن فيه هنا إيه؟؟؟

high oxygen tension

وبالتالي فيه

High affinity of hemoglobin to oxygen

تعالوا بينا عند ال tissue

وهنرسم

رقمين عند ال tissue يدعموا كلامي

أولاً الهيموجلوبين عند ال tissue يحب يمسك ولا يسيب الأوكسجين؟؟؟

يحب يسيب الأوكسجين

يسيب دي اسمها كلمة dissociation

تعال أفنعمكم بال dissociation من خلال رقمين

هي ضغوط الأوكسجين كانت كام؟؟

40 ، 100 ملي متر زئبق (millimeter mercury)

مين ال venous؟؟؟

40

وال venous هو هو مين؟؟؟

tissue

بيقا ضغط الأوكسجين عند ال tissue < 40

دا كلام المحاضرات الي فاتت

الضغوط ال venous هي هي بتاعت ال tissue

طيب ،

إنت عارف عند ال tissue لما بيقا ضغط الأوكسجين 40

الكوباية بيقا فيها ، 70 % بس أوكسجين

أنا عايز واحد بقا إيه ، متنصح كده في الأرقام

لما أقولك يا بابا ، فينا كلنا ، إحنا بلادنا ضغط الأوكسجين حوالي 100 في دمنا

وبداية الهيموجلوبين جاي من عند ال Lung ب 97 %

ال tissue يأخذ اللي بيأخذه ،

الكوباية بيتبقا فيها 70 %

يبقا ال tissue خد الفرق ،

الفرق اللي هو كام ؟؟؟

27 %

الأرقام دي مش هزار ،

دي بتتحتفظ ، ورخامة ال respiration في الأرقام

يبقا عند ضغط 40 عند ال tissue

ال saturation بيبكون 70 %

يعني ال tissue خد ال 27 % دول

طيب ،

كمان رقم عند ال tissue ،

نفترض إنك عملت mild exercise

قومت اتنططت شوية ، Mild exercise

ضغط الأوكسجين هيوطى جواك من 40 إلى 20

طيب ، ليه يوطى لما أعمل تمرين ؟؟؟!!!!

يا أولاد افهموا ،

هو سبب الضغط ، كان الأوكسجين اللي الذائب ، اللي اسمه ال Physical

الحصة اللي فاتت أكدت عليها ،

وقولتلكم متقولنيش كلام مقولتوش

أنا مقولتش إن أنا وإنت مبستخدمش ال Physical

والله ما قولت كده

أنا قولت : بنستخدمه بس لدرجة قليلة جداً

لكن لسه فيه استخدام ،

إنت عارف لما تننطط شوية ، حبة من ال oxygen ال physical الذائبين

ال tissue بتاعتك هيستخدمهم

يقوم يقل الذائب شوية

والذائب ده اللي بيتحكم في ضغط الأوكسجين ،

لما يقل الأوكسجين الذائب

يحصل إيه في ضغط الأوكسجين ؟؟؟

يقل

بقا 20 الضغط

إنت عارف عند ضغط 20 ، ال saturation بينزل إلى 30 %

يا خبر أبيض!!!!

إيه النزلة دي !!! يعني فجأة يا أولاد لما نعمل تمرين خفيف ، الكوباية فضت % 40 extra
بدل ما هي % 70
الكوباية أصبح فيها % 30 فقط

مع شوية التمرين الخفيف ، كوباية الهيموجلوبين ترمي % 40 extra
دا غير ال % 27 اللي رمتهم فوق خالص

لو وصلت النقطتين دول ببعض ،

عند ال tissue

يطلعلك ال curve عند ال tissue << تقريباً vertical

تقريباً vertical

إخوانا بتوع كلية الهندسة ،

لما يلاقوا curve يكون vertical

ليها تفسير هندسة

معناها ، إن تغير كبير على الرأسى ، مصحوب بتغير صغير على الأفقى

هتقولى : يا عم إنت راجل بتاع فيسيولوجى ، إديني تفسير علمي ، إنت بتقولنا حاجات حلوة ، قولنا بقا التفسير العلمي ، ليه curve

طالع vertical عند ال tissue ???

هقولك :

لأن عند ال tissue ، إحنا عندنا low oxygen tension

الضغوط واطية ، سواءاً 40 ، أو 20

دي ضغوط واطية (قليلة)

ولما يبقى فيه low oxygen tension

يبقى فيه low affinity ما بين الهيموجلوبين وال Oxygen

ولو وصلت بقا يا أولاد ،

الجزئين بتوع ال curve دول مع بعض ، أهم ،

يطلعلك ال curve بتاع الأوكسجين اللي بيوصفوه على إنه S shaped

كمان مرة حتى يطمئن قلبي ،

بدي التعليق في النهاية على الربع الأول ،

يبقا عند ال lung يا أولاد ،

الهيموجلوبين بيحب يمسك ولا يسيب الأوكسجين ??

بيحب يمسك

يمسك دي اسمها إيه ???

saturation

تعالوا نقول أرقام تدعم كلامنا

عند ضغط 100 ال saturation كام ??? % 97

فوق الجبل الضغط 60 ، ال saturation كام ؟؟؟
90 %

- وصل النقطتين عند ال Lung
- يطلعك ال curve عند ال Lung $3 H <<$
- ال curve شكله $<<$ horizontal
- لأن فيه هنا $<<$ High oxygen tension
- وبالتالي فيه $<<$ high of hemoglobin to oxygen

عند ال tissue ، الهيموجلوبين يحب يمسك ولا يسيب الأوكسجين ؟؟؟
يسيب
يسيب دي إسمها إيه ؟؟؟
dissociation

عايزين رقمين يدعموا كلامنا عند ال tissue
عند ضغط 40 ، ال saturation كام ؟؟؟
70 %
عملت تمرين ، الضغط بقا 20 ، ال saturation كام ؟؟؟
30 %

وصل النقطتين ببعض عند ال tissue
يطلعك ال curve شكله vertical
إيه التفسير العلمي ؟؟؟
أصل عند ال tissue $<<$ low oxygen tension
وبالتالي $<<$ low affinity of hemoglobin to oxygen
affinity يعني تجاذب ،

طيب ،
بيقا مجمل الكلام الي قولتوه يا أولاد ،
المعجزة الأولى ، الأعجوبة الأولى كانت بتقول إيه ؟؟؟
الهيموجلوبين المادة الغريبة دي ، عند ال Lung ،
بيقول للأوكسجين إيه ؟؟؟ اسمع الجملة دي وكملمها
الهيموجلوبين بيقول للأوكسجين عند ال lung ، مش هتنازل عنك أبداً مهما ... يكون ☺
يكون إيه !!! ؟؟؟ ☺
هو إحنا هنغني
مهما انخفض ال tension عن 100

لكن ،
عند ال tissue ، الهيموجلوبين بيقول للأوكسجين ،
خلاص حرمت أحبك ☺ مش عايز مش عايز

دي كانت الأعجوبة الأولى في الهيموجلوبين

قبل ما ندخل في الأعجوبة الثانية « والرابع الثاني من الإجابة »

نأخذ سؤال شفوي صغير

مش موجود في كتاب الكلية «

فاصل ثم نعود للأسئلة التحريري «

فيه بعض الممتحنين ال external

إنتوا عارفين الإمتحان الشفوي بتدخل على ممتحنين

تحش الأوضة تلاقي إثنين أساتذة « واحد يمين وواحد شمال

واحد يأخذك الأول عشر دقائق ويسلمك للتاني «

المهم أحياناً بنستعين بخبرات « يعني أساتذة من جامعات تانية « يجوا يمتحنوا يشوفوا الطلبة بتوعنا

وإحنا نروح عندهم بردو « ممتحن الطلبة بتوعهم

هما بيجوا يرخموا على الطلبة بتوعنا «

فإحنا بنروح ننتقم ليكم ☹

نرخم على الطلبة بتوعهم « وإحنا بنتسلى

المهم «

الكلام ده مش موجود في كتاب الكلية

الممتحن ال external يقولك إيه ؟؟؟

يلاقيك قولته الربع الأول في الإجابة صح «

يقولك : برافو عليك « عرفت منين « إن ضغط الأوكسجين 100 « ال saturation بيكون % 97 ؟؟؟

مش هي مش موجودة في الكتاب

هتقولله : معرفش

مش يسكت بقا ويتلم «

يقولك : بلاش السؤال ده « طيب لو ضغط الأوكسجين 60 عرفت منين إن ال saturation < 90 % ؟؟؟

تعال بقا أقولك : إزاي ترد على هذا السؤال «

لما يقولك عرفت منين بقا ؟؟ إن ضغط الأوكسجين 100 « ال saturation بيكون % 97 ؟؟؟

عرفوها منين ؟؟

فيه أنبوبة زجاج مرسومة عندكم «

الأنبوبة الزجاج دي يا أولاد « بنيجي نخط جواها نقطة دم

الأنبوبة الزجاج بنلفها بسرعة أوووي

بحيث إن نقطة الدم الي جواها تتحول إلى thin blood film

طبقة دم رقيقة كده « تبطن الأنبوبة

لو دقتت النظر هتلاقي الأنبوبة الزجاج أنا راسم جواها شُرط

الشُرط دي عبارة عن ال thin blood film

الأنبوبة الزجاج لما لففتها « نقطة الدم الي فيها تحولت إلى طبقة رقيقة من الدم مبطنها

بص كده على طرف الأنبوبة اليمين «
ليها فتحة الأنبوبة دي « وعليها عداد يقولك الضغط كام « وراسم أنا المؤشر بتاع العداد طيب «

فتحة الأنبوبة دي اللي على اليمين « بزوح مدخلين منها أوكسجين جوا الأنبوبة
بنفضل ندخل أوكسجين لغاية ما العداد يقولك الضغط أصبح 100

عند الضغط 100 « أخذ نقطة من داخل الأنبوبة «
أبعثها المعمل يقولولي « ال oxygen content كام
ال capacity يا أولاد أنا حافظها عشرين

أنا عارف إن كوباية الهيموجلوبين اللي في ال 100 سم « arterial blood (أو blood)
تشيل 20 الأوكسجين

رقم عشرين دا أنا حافظه «
المعمل بعث وقاللي : ال content اللي جوا عينة الدم « 19.4
أقسمها على كام عشان أجيب ال saturation
على 20
تطلعلي 97 %

طيب «
لو فهمتوا « قولولي « وتفتكروا لو عايز أحسب ال saturation
عند ضغط 60

أدخل أوكسجين من طرف الأنبوبة لغاية ما الضغط بيقا 60
والمعمل يقولولي ال content
وأقسم على 20
بيقا جيت ال saturation عند ضغط 60

أي ضغط يعجبكم أقدر أجيبكم ال saturation عليه
عرفت الشفوي مستني منكم تقولوا إيه ؟؟
مستني منكم كلمة تونوميتر (tonometer) اسم الجهاز

عدنا ☺ للربع الثاني في الإجابة «
فكرني كده بس « بملخص الأعجوبة الأولى
كانت ال affinity بتاعت الهيموجلوبين للأوكسجين عند ال lung << High ولا low ؟؟؟
High
كلنا مقتنعين

وعند ال tissue « كانت ال affinity بتاعت ال hemoglobin for oxygen << high ولا Low ؟؟؟
low
عند ال tissue « ال affinity بتاعت الهيموجلوبين للأوكسجين بتكون low

but not fixed

وهي دي الأعجوبة الثانية

يعني إيه؟؟؟

مش ثابتة

بمعنى إيه يا أولاد؟؟

كل ما ال tissue بتاعك يشتغل أكثر (افهم)

يعني أصبح في احتياج للأوكسجين أكثر

كل ما ال tissue بتاعك يشتغل أكثر ، كل ما ال hemoglobin ده هيسيب لل tissue ده أوكسجين أكثر

كل ما ال tissue يشتغل أكثر وأكثر ، كل ما الهيموجلوبين هيسيب لل tissue ده أوكسجين أكثر وأكثر

سبحان الله ،

دي أعجوبة ، على حسب نشاط ال tissue

الهيموجلوبين هيسيب الأوكسجين

مش إنتوا قولتوا ال affinity عند ال tissue قليلة

هي Low بس مش ثابتة

على حسب نشاط ال tissue

هعيدها ثاني ، وافهمني ،

كل ما ال tissue يشتغل أكثر ، يعني ال tissue محتاج أوكسجين أكثر

الهيموجلوبين هيديله أوكسجين أكثر

طبيب الهيموجلوبين يا أخويا بيعرف منين؟؟ هو ليه عيتين يبص على ال tissue؟؟!!

لا ،

يقولك : كل ما ال tissue يشتغل أكثر ، فيه أربع حاجات هتزيد عند ال tissue

ال CO₂ بيعلى عند ال tissue

طبعاً ،

- ال tissue اللي بيشتغل أكثر ، هيطلع ثاني أوكسيد الكربون كثير

- ال tissue اللي بيشتغل أكثر ، حرارته تعلى ، زيادة ال temperature

الكلام ده قولناه زمان ،

اللي بيعمل مجهود بيسخن ، مية المية ، ال tissue اللي بيشتغل بيطلع حرارة

كمان ال tissue اللي بيشتغل أكثر ، تركيز أيون الهيدروجين عنده بيعلى

الهيدروجين !!!

هي الفكرة ، إن نواتج عملية التمثيل الغذائي ، نواتج ال metabolism أحماض (acids)

الخلايا لما بتشتغل بتطلع acids

acids يعني هيدروجين علطول

بيقا عرفت الهيدروجين ده منين؟؟

- الأحماض اللي هي نواتج التمثيل الغذائي ، نواتج ال Metabolism

كمان ال tissue لما يشتغل أكثر ،

- فيه مادة بتزيد اسمها 2,3 Di phospho glycerate (2,3 DPG)
الجماعة الي مقرأوش المحاضرات الي فاتت
المادة دي مكتوب عندكم ما بين قوسين (glycolysis) الي هي معناها حرق السكر (anaerobic) في غياب الأوكسجين يعني
مادة بتنتج من حرق السكر (glucose) في غياب الأوكسجين

بيقا ال tissue لما يشتغل أكثر ، فيه عنده أربع حاجات بتزيد :

مين بقا الي بيزيد ، قولهم كدا ؟؟

- ال CO_2 بيزيد
- ال temperature
- ال hydrogen
- 2,3 Di phospho glycerate

كمان مرة ،

ال tissue لما يشتغل أكثر ، فيه أربع حاجات بتزيد

الي هما إيه ؟؟؟

- ال CO_2 بيزيد
- ال temperature
- ال hydrogen
- 2,3 Di phospho glycerate

التكرار بيحفظ ، بنكرر عشان متنساش

لو أي واحدة من الأربعة الي قولتهم زادت ، من فضلكم انتبهوا
متقولنيس كلام أنا مقولتوش

أنا مقولتش إن الأربعة لازم يزدوا

لو أي واحدة في الأربعة الي أنا قولتهم زادوا ،
لو أي واحدة من الأربعة الي أنا قولتهم زادوا

- ال CO_2 بيزيد
 - ال temperature
 - ال hydrogen
 - 2,3 Di phospho glycerate
- دا بيقلل ال affinity ما بين ال hemoglobin للأوكسجين

التضاد بيحفظ ،

لو أي واحدة زادت ، ال affinity بتقل ،

زادت ، ال affinity تقل

التضاد بيحفظ

بيقا حد يقولي بقا ،

إيه الحاجات الي بتخلي ال affinity تقل ما ال hemoglobin للأوكسجين ؟؟؟

زيادة حاجة من الأربعة

إيه هما الأربعة دول ???

- ال CO_2
- ال temperature
- ال hydrogen
- 2,3 Di phospho glycerate

يبقا الي قولتهم دول « حاجات كلها بتقلل ال affinity ما بين الهيموجلوبين والأوكسجين طيب »

فيه لغة الكمبيوتر « إنت لما تحط معلومات على الكمبيوتر

اسمها إيه العملية دي في الكمبيوتر

Loading

لما بتحط معلومات على الكمبيوتر اسمها loading

أومال لما تشيل من عليه معلومات ???

unloading ...

يعني بتشيل المعلومات من على الكمبيوتر ☹

طيب »

إيه رأيكم يا أولاد « اللي قرأها من الورق وهينطق ميجاوبش

ميهمنش اللي غش من الورق « ميجاوبش معايا « أنا عايز ناس بتفكر

تفتكروا يا أولاد «

لما ال tissue يشتغل أكثر « وال Hemoglobin ساب الأوكسجين بتاعه «

تفتكر الي حصل دلوقتي لل hemoglobin رمى حمولته « الهيموجلوبين ساب الأوكسجين « نسمي دي Loading ولا Unloading ???

unloading

كلمة نقص ال affinity بتساوي عندنا unloading

يعني الهيموجلوبين بيرمي حمولته

بيخلص من الأوكسجين الي عليه

تعال بقا للحنة الجامدة « بتاعت ال M.C.Q.

تفتكروا يا أولاد « لما الهيموجلوبين يرمي الأوكسجين الي عنده « كوباية الهيموجلوبين دلوقتي الأوكسجين الي فيها بقا كثير ولا قليل ظ؟؟

قليل «

فيه حد اتلخبط في المعلومة دي ؟؟ إن شاء الله لا

ال tissue لما يشتغل أكثر « والهيموجلوبين رمى ال oxygen لل tissue

كوباية الهيموجلوبين دلوقتي « الأوكسجين الي باقي فيها « بقا كثير ولا قليل ???

قليل «

يعني ال saturation دلوقتي بتاع الكوباية بقا كثير ولا قليل ???

قليل

طبيب «

أنا عايز ناس بتفكر « بتشغل مخها « تفتكروا يا أولاد « الكوباية دلوقتي ال saturation بتاعها قليل «
ال oxygen فيها بقا قليل «
ودا الرأس بتاعك بتاع ال curve

تفتكر لما ال saturation ينقص « وأحب أرسم ال curve مرة ثانية اللي رسمناه من شوية «
هل ال curve الجديد اللي هرسمه بقا « هيت رسم تحت ال curve الأولاني ده « ولا فوقيه ???

تفتكر لما ال saturation ينقص « وأحب أرسم ال curve مرة ثانية
عند نفس أرقام الضغوط « هل هلاقي ال curve الجديد أوطى ولا أعلى ???
يا بابا ال saturation نقص « نقص « تتوقع ال curve الجديد « هيت رسم فوق ولا تحت ال curve الأصلي ???
تحت

حد متلخبط ???

أقولها كمان مرة عشان شايف اتنين ثلاثة لسه بيرقوا ليا ☺

كمان مرة

ال tissue لما بيشغل أكثر « الهيموجلوبين راح رامي الأوكسجين
سمينا العملية دي Unloading

الهيموجلوبين دلوقتي الكوباية بتاعته بقت فاضية «
فاضية يعني ال saturation وطي
أقوم لما أحب أرسم ال curve اللي أنا رسمته ده « كمان مرة بس بالوضع الجديد «
والكوباية فاضية شوية

هل ال curve الجديد « هل هيطلع أعلى من ال curve الأصلي ؟؟ ولا تحت ال curve الأصلي ???
تحت ال curve الأصلي
حد متلخبط ؟؟ إن شاء الله لا

ليه بقا « تكتب غلط

إنت بتقول ال curve الجديد هيت رسم تحت ال curve الأصلي
تحت دا « يعني إنت بتشاور بإيدك اليمين «
بيقا ترسم تحت ال curve الأصلي

يقوم يسموا ال curve الجديد اللي هرسمه ده << shift to the right

ليه تشاور صح وتكتب غلط !!!

إنت بتقول هنرسم تحت ال curve الأصلي « تحت ال curve الأصلي
شاورت بإيدك اليمين « ويبسموا ال curve هنا << shift to the right

بيقا لغاية دلوقتي «

فيه 3 جاجات بيساوا بعض

نقص ال affinity « هي هي تساوي ال unloading « بتساوي shift to the right

طبيب «

تعالوا كلنا نرجع (صفحة 22 في المذكرة)

عشان فيه حاجة على الرسمه كان اسمها P50

عند 50

عايز أعلق عليها «

أنا علمتك من زمان « إن أي جملة إنت تلاقيها صعبة في الـ English

كيف تتعامل معها ???

خليك من أهل اليمين « اقرأها من الآخر للأول

من اليمين للشمال

P50

من الآخر «

قصدهم يقولولك « لما كوباية الهيموجلوبين تبقا 50 « 50

متنصصة (نصها مليون ونصها فاضي)

أدي يا عم الخمسين «

عايزين نشوف الـ Pressure بتاع الأوكسجين كام على الأفقي «

علموكم في الرياضة إزاي نجيبها دي ???

يعني عندك الـ horizontal و vertical

رقم على الـ vertical وفيه curve « إزاي تجيب الرقم اللي قصاده على الـ horizontal ??? بتعمل إيه ؟؟

خط بالعرض يقابل الـ curve في نقطة وننزل بعمود

بصوا ☺

خلينا على الـ curve الأصلي

بيقا أدي يا عم 50 %

إمشي بالعرض بخط « يقابلك الـ curve الأصلي في نقطة

وانزل بعمود « لتحت

طلع عندك الضغط 27 mmHg

دا الـ normal عند P50

فهمتوا يعني إيه P50 ???

موضوع بسيط « 50 « 50

كوباية الهيموجلوبين متنصصة «

النص < 27 mmHg الـ normal

تفتكروا يا أولاد « لما الـ curve يتحذف يمين « shift to the right

الـ P 50 تزيد ولا تقل ???

تزيد

بصوا يا جماعة الرسمة عشان متجيهواش غلط ، أو ممكن تتخيلوا من خلال التفريغ على فكرة ☺
 إنت عندك ال curve لما اتحدف يمين ، عايز تحسب ال P 50 بتاعته
 هتبتدي برودو من عند ال P 50
 إمشي بيها بالعرض ، لغاية ما تقابل ال curve اللي نفسك فيه
 آخر الدنيا على اليمين
 وانزل بعموم ، هتلاقي ال P 50 زادت

بيقا أربع حاجات ، بيساوا بعض
 بيقا لما يقولوك ،
 يقلل ال affinity ما بين الهيموجلوبين والأوكسجين ، هي هي بتساوي unloading ، هي هي بتساوي shift to the right
 هي هي بتساوي بتزيد ال P 50

إنتوا عارفين بناء على اللي أنا قولتله ده ،
 أنا ممكن أجيبلكم امتحان M.C.Q. المرة الجاية بالكامل وألعبلكم في الحاجات دي

أعلمك إزاي؟؟؟

قولي يا عم ،

هو ال tissue activity لما بتزيد ، فيه كام حاجة بتزيد ؟؟؟

- ال CO₂ بيزيد
- ال temperature
- ال hydrogen
- 2,3 Di phospho glycerate

ممكن أمسكلك أي واحدة ، مثلاً ال 2,3 Di phospho glycerate

أجي أقولك ، لما يعلى بيزود ال affinity ولا يقلل ؟؟

بيقلل

يعني بيعمل Loading ولا unloading ؟؟

unloading

يعني shift to the right ولا shift to the left ؟؟؟

shift to the right

يعني يقلل ال P 50 ولا بيزودها ؟؟؟

بيزودها

تخيل بقا ،

كل مادة ممكن أحط عليها أربع أسئلة

بيقا من الأول لازم يتحفظوا صم ، نقص ال affinity ، تساوي إن الهيموجلوبين حصله unloading ، يعني ال curve << shift to the right ، بيقا ال P 50 زادت

طيب ،

اللي متابعينش في الفقرة اللي فاتت ، عندك فرصة ذهبية تتابع الكلام ده بس بالعكس ،

تفتكر لو ال tissue مبيشتغلش «
ال activity بتاعته قليلة « الأربع مواد الي عنده هتقل «
الي هما مين الي هيقلوا ???

- ال CO_2
- ال temperature
- ال hydrogen
- ال 2,3 Di phospho glycerate

تفتكر tissue مبيشتغلش « خسارة في جتته نبعته أوكسجين يا أخي
نبعته ليه !!! هو استخسار !!!
هو في الحالة دي الهيموجلوبين مش هيبعته حاجة « دا ميستهلش

مش هيبعت دي «
بيقا ال affinity بتاعت الهيموجلوبين تجاه الأوكسجين حصله إيه ???
زادت
يعني الهيموجلوبين دلوقتي بقا مليون أكثر من المعتاد «
حصله loading ولا unloading ???
حصله loading

تفتكر لما كوباية الهيموجلوبين بيقا فيها أوكسجين أكثر « ال saturation بتاعها أعلى
وأحب أرسم ال curve مرة تالتة «
هل أرسمه تحت ال curve الأصلي ولا فوق ???
أرسمه فوقه

ليه تشاور صح « وتكتب غلط ②
إنت عندك هترسم ال curve فوق « بيقا إنت شاورت بإيدك الشمال
بيقا ال curve بتاعك shift to the left
أهو يا عم ال shift to the left
محدث يعلق على حاجة « لسه الكلام مخلصش
to the left

بيقوا تعالوا مع بعض نتفق «
لو ال affinity زادت بتاعت الهيموجلوبين للأوكسجين «
affinity عالية « دا نسميها loading ولا unloading ???
loading

بيقا ال curve ده shift to the left
وال P 50 قلت

كمان مرة «
الحاجات المهمة «

لو ال affinity قليلة ما بين الهيموجلوبين للأوكسجين
shift to the right يبقا ال curve ده

لو ال affinity عالية ،، الي ليه affinity عاليه تجاه الأوكسجين
shift to the left يبقا ال curve بتاعه

آخر مرة ،،
shift to the right يبقا affinity قليلة
shift to the left يبقا affinity عالية ،،

مكتوب عندكم ،،
إيه الحاجات الي تعمل shift to the right وإيه الحاجات الي تعمل shift to the left ؟؟
مكتوب عندكم ،،

Pregnancy ،، الست الحامل أكيد بيتزوي عليها ال CO_2 والهيدروجين والحاجات بتاعت العيل
دي حاجات بتزوي من الجنين لدم الأم
ودي كلها حاجات تخلي الهيموجلوبين الي يسبب الأوكسجين
يخلي ال curve بتاع الأم ما دام ال affinity قلت أهني
shift to the right يبقا

ال exercise ،، أنا لسه قايله ،،
فوق الجبال ،، ال high altitude ،، اشمعنا الجبال ؟؟؟
فوق الجبال يا أولاد ،، إحنا بنحرق جلوكوز في غياب الأوكسجين ،،
بتنتج المادة الي بتطلع ،، من حرق الجلوكوز في غياب الأوكسجين ،،
مادة اسمها 2,3 Di phospho glycerate
بتخلي بردو الهيموجلوبين يسبب الأوكسجين
shift to the right يبقا

فيه واحد بقا بيزود ال affinity ،،
التسمم بغاز أول أوكسيد الكربون

في الحياة ،،
مرة علمتكم في الحرائق ،، هنتكلم على إنقاذ الناس في الحرائق إن شاء الله والكلام ده كله فيما هو قادم بإذن الله ،،
وقبله الحياة والكلام ده كله ،، أدام بإذن الله
المهم ،،

ال CO poisoning
غاز أول أكسيد الكربون بتاع الحرائق ،، هو السبب إن الناس في الحرائق بتموت مختنقة وليست محترقة
اشمعنا ؟؟؟

ال CO يا أخي ،، أول أكسيد الكربون ،، لما منه ولا كفاية شره
ليه بقا ؟؟

يقولك : المنظر ده أخذناه قبل كده ،، جزء الهيموجلوبين كان عبارة عن أربع حتت
كل حته من الأربعة عبارة عن شريط وقرص حديد

حتى بالأمانة القرص ده كان حديد « ferric ولا ferrous ؟؟؟
ferrous

الأوكسجين « كان طول عمره بيتشال على القرص « ونعمل oxyhemoglobin
اللي اتعرض لحريقة بقا «
وغاز أول أكسيد الكربون

غاز أول أكسيد الكربون وحش أوووي
بيركب على القرص بتاع الهيموجلوبين مكان الأوكسجين «
وقولتلكم : الهيموجلوبين بغاوتة بيحب مين أكثر « ال CO ولا الأوكسجين ؟؟؟
ال CO

210 مرة أد الأوكسجين
مش كفاية إن ال CO « ركب مثلاً على 3 أقراص من الأربعة « والأوكسجين مثلاً كان راكب على قرص واحد
ال CO رخم « لا منه ولا كفاية شره «
مش كفاية إنه واخذ معظم الأماكن

يقول للهيموجلوبين : اسمع « إنت كان عليك أوكسجينه من الأول « متسبهاش « تبت فيها ومتدهاش لـ tissue
هااااااااا يا أولاد «

لما الهيموجلوبين يتبت في الأوكسجينه اللي عليه «
ال affinity عالية أهى «
إحنا قعدنا نسمع 3 « 4 مرات

ال affinity تزيد « يبقا ال curve بتاعك shift to the left
ده مشكلة أول أكسيد الكربون
طيب «

لو فاهمين « أنا هحط رسمة « دا سؤال شفوي « اللي عنده إجابة يرفع إيده ويجاوبني ☺
دا سؤال شفوي

في الشفوي الممتحن « هيروح عامل كده
راسم أفقي ورأسي « وراسم خطين كده طالعين «
يقولك : دول يا عم 2 curves الأوكسجين
curve a و curve b

يقولك : واحد فيهم « CO poisoning « وواحد تركيز ال CO₂
اللي ليه إجابة يكلمني
فيه 2 curves «

هو مرشمش ال normal « هو رسم واحد فوق وواحد تحت «
ويقولك : واحد CO « وواحد CO₂
اللي عنده إجابة يرفع إيده ؟؟ ☺

زملينا بيقول : اللي عالي فيهم CO « والواطي فيهم CO₂

صح ولا غلط ???

صح

ال CO << يخلي ال curve بتاعك shift to the left
ال CO₂ << من ضمن الحاجات الأربعة اللي لما بتزيد بتخلي الهيموجلوبين بيرمي الأوكسجين «shift to the right»

إنت في الإمتحان الشفوي «
بيعملوها كثير « يروح راسهملك ويقولك واحد فيهم CO وواحد ثاني CO₂

اسمعوها معايا في الحصة «
تلاقي الممتحن راسم أفقي ورأسي لسه « مفيش حاجة «
هو ماسك قلمه « وإنت شايف الممتحن أدامك على الترابيزة يرسم «
وبيقولك : أنا هرسمك 2 curves أوكسجين

وراح راسم الأولاني «
قبل ما يطلع بالتاني حتى « تروح إنت فاقعه كتف « تروح زاقه «عن إذنك « وتروح مطلع قلمك « اللي فوق CO
واللي تحت CO₂

وتروح باصصله كده 😊 smirk emotion :/
عيب الحركات دي « ما تأخذه قلمين بالمرة أحسن

لما يجيلك سؤال من النوعية دي في الشفوي « إنت عارف الإجابة «
3 « 4 ثواني مع نفسك « أل يعني بتفكر
بتفكر بصوت عالي أدامه
تقوله : دول 2 curves

shift to the left ده ال CO دا اللي فوق فيهم
ال CO₂ ده بيعمل shift to the right ودا اللي تحت
وتبان أدام الدكتور إنك بتفكر جوا اللجنة
مش عايزين تهور الله يكرمكم

مكتوب عندكم «
إن ال co effect « تأثير ال CO₂ والهيدروجين على ال curve
ورجعت ثاني يوم بعد ما رجعت من المستشفى وصليت الظهر « وربنا يبسر وأخلص الشريط ده قبل ما أروح اتغدى عشان أجي أنام « عشان
لبيل فيه طواريء 12 ساعة ☹

مكتوب عندكم «
إن حاجة اسمها ال co effect « تأثير ال CO₂ والهيدروجين على ال curve
وال significance قولنا اللي بشتغل << نسيب ليه أوكسجين أكثر من الخلايا اللي مبتشتغلش

ثانية واحدة قبل ما أسيب الربع ده «
ليا تعقيب أخير «

إنتوا ملاحظين حاجة في ال shift to the right وال shift to the left ???
إن حة shift to the right « و shift to the left بتاعت ال curve

دا عند ال tissue بس

أصل ال tissue ال activity بتاعته ممكن تزيد أو تقل
إمّا عند ال lung « ال curve مبيتغيرش
هو هو

أصل مين بيعمل activity ???

ال tissues

بيقا shift to the left و shift to the right
دا كلام عند ال tissue بس

إمّا عند ال Lung
الكوباية بتتملي ليها في كل الأحوال

والله «

دول كلمتين بتوع الأوائل « اللي أنا قولتهم
أصل اللي عايز ينجح في امتحان آخر السنة « هيروح راسملنا ال 3 curves كده «
ويقولنا واحد فيهم right « وواحد left
ننقصه ممرتين وخلص وينجح

أصل حرام عليا ☹️ إن واحد فاهم « أعامله زي اللي مش فاهم
حرام «

دا ولد فاهم إن shift to the right و shift to the left إحنا عند بنتكلم عند ال tissues
ال tissue هو اللي بيشغل
ممكن نديله أوكسجين أكثر « مندلوش «
إمّا عند ال Lung ال curve هو هو

لو لاحظت نهايات ال 3 curves
تقريباً هي هي
خلص « سهلة كده ؟؟ إن شاء الله

عملنا كام ربع في الإجابة ؟؟

2

فاصل ثم نعود ☺️

سؤال شفوي صغير

يسألوك في الشفوي « وفي كتاب الكلية السؤال ده على فكرة «
يقولك : ليه عملنا ال curve مع ال percent of saturation
ليه الرأسي بتاعك ال percent of saturation ؟؟؟
ما كنا قولنا ال oxygen content وخلصنا ؟؟
إنت فاهم السؤال بيقولك إيه ؟؟

يقولك : ليه تعبت نفسك وعملت ال percent ال saturation؟؟
 ما تعمل ال oxygen content و خلاص ؟؟
 الإجابة :

إنت عارف لو واحد عنده أنيميا ،
 لو إحنا بنقيس الأوكسجين content ، اللي عنده أنيميا ده يا أولاد
 العربيات اللي بتنقل الأوكسجين قلت
 مين العربيات ؟؟؟
 الهيموجلوبين
 الكوباية بتاعته بقت فنجان

مش الهيموجلوبين ده الكوباية ؟؟ أيوه
 أصبح فنجان

مية المية الأوكسجين content فيها يبقى كثير ولا قليل ؟؟؟
 قليل

الي عنده أنيميا ،
 ال oxygen content قليل

يبقا لما كنت هاجي أرسمله ال curve بتاع ال oxygen
 هتلاقي اترسم حاجة تانية خالص ، والرسمه واطية أوووي تحت
 مهواش curve الأوكسجين الي إحنا متعودين عليه

يبقا لو إحنا بنستخدم الأوكسجين content
 كانت الرسمه شكلها يتغير تماماً في مريض الأنيميا

هتقولي : طيب ال saturation ؟؟؟
 في عيان الأنيميا بقا ، الأوكسجين content عنده قليل ، وكمان ال capacity عنده قليلة
 الكوباية بقت فنجان ،
 تخيل لما ال content تقل وال capacity تقل

النسبة أخبارها إيه ؟؟؟

يقوم مريض الأنيميا لما أجي أرسمله ال curve ال Normal
 يطلع هو هو بالظبط زي البني آدم العادي

كمان مرة ،
 هيسألکم في الشفوي : ليه استخدمنا ال saturation مش ال content ؟؟؟
 قوله :

لو أنا بستخدم ال content ، كان مريض الأنيميا عنده الأوكسجين على الهيموجلوبين قليل (content قليل)
 كان ال curve هيطلع حاجة تانية خالص ،

مش ال S shaped كده

هيقولك : طيب ، فرقت إيه دلوقتي بقا ؟؟؟
قوله :

دلوقتي ،، مريض الأنيميا عنده ال oxygen content قليل
وال capacity كمان قليلة
الكوباية بقت فنجان ،،

حصل إيه في النسبة ؟؟؟
هي هي

تعالوا بينا للأعجوبة الثالثة والرابعة
الأعجوبة الثالثة والرابعة ،، أعجوبة الزمان وأعجوبة المكان

تعالوا نبدأ الأول بأعجوبة الزمان ،، ودي حاجة مرت علينا في ال blood
فدي فرصة نراجع
دي قراءة جديدة في معلومة قديمة من أيام ال blood

الهيموجلوبين غيّر نفسه مع الزمن
فيه هيموجلوبين في الكبار سميناه الهيموجلوبين A بتاع ال Adult
وفيه هيموجلوبين بتاع ال fetus اسمه هيموجلوبين F

مين شاطر من أيام ال blood وفكر ،،
كان الاختلاف في الشرايط ،،

جزء الهيموجلوبين فيه أربع شرايط
في ال adult :

- شريطين من النوع alpha
- وشريطين من النوع beta

في الجنين :

- شريطين من النوع alpha
- معدوش beta << وعنده مكانهم gamma

دا كلام blood

إذا قولتلكم إن الأم الهيموجلوبين بتاعها من النوع A بتاع ال adult
الجنين اللي في بطنها ،، هيموجلوبينه F

الأوكسجين بيتحرك منين لمنين يا أولاد ؟؟ من الأم للجنين ولا من الجنين للأم ؟؟؟
من الأم إلى الجنين
طبعا

تفتكر لما يصطادوك في ال M.C.Q. بيقا مين اللي في نوعين الهيموجلوبين اللي ليه affinity أعلى تجاه الأوكسجين؟؟؟ الهيموجلوبين A ولا الهيموجلوبين F؟؟؟
هيموجلوبين F

يروح جايك في الشفوي «
تاني ، سيبه يرسم (دا الممتحن جاي من بيتهم يرسم السؤال ده ☺)

يروح راسمك في الإمتحان خطين « أفقي ورأسي
خطين طالعين « يقولك : يا ابني دول 2 curves
A and B
واحد فيهم Hemoglobin A و واحد F

يا أولاد «
أنا هزعل أووي لو مجاوبتوش
اللي ليه Affinity أعلى « بيقا shift to the left
بيقا العالي هنا هيموجلوبين F طبعاً

اللي ليه affinity أعلى «
بيقا shift to the left
وأدي الهيموجلوبين A تحت على الرسم

فيه ناس فاكدة الإمتحان الشفوي دا « بيقا لازم الممتحن يتكلم
لا طبعاً «
فيه عندنا أستاذة ربنا يديها الصحة « في امتحان الشفوي
هتدخل عليك بسؤال غريب أووي
هتقولك : إيه أسماء ال curves اللي تعرفها؟؟
دا النظام «
يعني حاول ترسم اللي تعرفه

طيب «
عايز بقا يا أولاد تفسير علمي لحتى الأوكسجين بيتحرك من الأم للجنين
حتى إن الهيموجلوبين F « ليه higher affinity

مادة 2,3 DPG
أكثر مادة في العالم عرفوها بتكره الهيموجلوبين في الأوكسجين

ال 2,3 DPG
دا أكثر مادة بتخلي الهيموجلوبين يكره الأوكسجين

مادة ال DPG
تقدر تمسك في شرايط ال beta بتاع هيموجلوبين الكبار

يقوم راح سايب الأوكسجين بتاعه

مش هيسيبك في الشفوي ، وهيصطادك ويقولك :إزاي ؟؟ إزاي لما ال 2,3 DPG تمسك في شرايط ال beta بتاع الهيموجلوبين A يروح سايب الأوكسجين ؟؟؟

هتزد عليه وتقوله حاجة واحدة ،

تقوله : لأن ال configuration (الشكل) بتاع الهيموجلوبين اتغير

بتوع البايو يسألوكم إزاي اتغير

إحنا منعرفش أساساً الكلام ده ،

إحنا عايزين الكلمة بس

ليه الهيموجلوبين بتاع الكبار ساب الأوكسجين ؟؟؟

لأن ال configuration اتغير ، لما ال 2,3 DPG مسك فيه

الجنين بقا معندوش beta

عنده مكانها gamma ، وال 2,3 DPG متعرفش تمسك شرايط ال gamma

دا اللي يقولك : ليه الهيموجلوبين بتاع الأم بسيب الأوكسجين

بينما هيموجلوبين الجنين لا

سهل الكلام ؟؟

إن شاء الله

دي كانت أعجوبة الزمان

الأعجوبة الثالثة

تعالوا بينا للربع الرابع والأخير ، الأعجوبة الرابعة

أعجوبة المكان ،

ركزوا في الكلام ، عشان مهم ،

الجلوبين

غَيَّر نفسه بتغيير المكان

فيه منه نوعين في جسمك :

- فيه حاجة اسمها ال hemoglobin ، دا الموجود داخل كرات الدم الحمراء وبنحكي فيه من الصبح
- وفيه حاجة اسمها ال Myoglobin ، الموجود داخل ال Myo (يعني عضلة) يعني داخل العضلات

بيقا فيه هيموجلوبين و ميوجلوبين

يقولك : اللي تعرفه أحسن من اللي متعرفوش

خلينا في اللي عارفينه

الهيموجلوبين الأول ،

الهيموجلوبين يا أولاد ، زي ما أنتم متصورين

فيه كام قرص حديد في جزيء الهيموجلوبين ؟؟

أربعة

بيقا إنت عندك الهيموجلوبين فيه أربع أقراص حديد ،، ferrous كلهم

طيب ،،

عارف يعني إيه الهيموجلوبين فيه أربع أقراص حديد ،،

يعني الهيموجلوبين عنده فرصة يعمل مركب من أربعة مع الأوكسجين

مش فاهم يعني إيه ؟؟؟

يعني ممكن الهيموجلوبين يشيل جزيء أوكسجين واحد ،،

وبيقا المركب اسمه hemoglobin O₂

ممكن الهيموجلوبين يشيل جزيئين أوكسجين ،،

وبيقا اسم المركب ده Hemoglobin O₄

ممكن الهيموجلوبين يشيل 3 جزيئات أوكسجين ،،

وبيقا المركب اسمه hemoglobin O₆

ممكن الهيموجلوبين يشيل 4 جزيئات الأوكسجين ،،

وبيقا المركب اسمه hemoglobin O₈

بيقا الهيموجلوبين ممكن يعمل كام مركب مع الأوكسجين ؟؟؟

أربعة ،،

بصوا معايا تاني يا أولاد لو سمحتوا ،،

هيسألوك السؤال ده في الشفوي ،، **ليه ال curve بتاعنا شكله طالع S ؟؟؟** ليه الأول كان خط وبعدين راح مايل ؟؟

تعال للأرقام تفهمك ،،

هنا الهيموجلوبين شال كام أوكسجينه ؟؟

4

عشان يسحب واحدة وبيقوا 3 ،، كان لازم الضغط يوطى من كام لكam ؟؟

من 100 إلى 60

عشان يسحب أول أوكسجينه

عشان الهيموجلوبين يسحب الثانية ،،

الضغط بيوطى من كام لكam ؟؟؟

من 60 إلى 40

وعشان يسحب الثالثة ،، الضغط يوطى من كام لكam ؟؟؟

من 40 إلى 20

يعني أصعب واحدة ،، أول واحدة

عشان كده ،،

الأول ،، **ال curve ،، الهيموجلوبين خط**

مسابش أول واحدة

لغاية ما الضغط بقا 60

بعد كده ال curve بقا ينزل معاك «
أنا بحب أقول إن علاقة الهيموجلوبين مع الأوكسجين
زي علاقة المقامر بالفلوس

الجماعة بتوع ال gambling (القمار)
بيبقا عندهم مرض نفسي «

في القمار « الشخص المقامر من دول « كل ليلة يقنع نفسه « إنه هيروح صالة القمار ويتفرج بس
مش هيلعب « ويتفرج بس
وتلاقيه قاعد أول ساعة على ترابيزة القمار يتفرج « صعب جداً إنه يطلع أول جنيه من جيبه
ماسك نفسه ساعة كاملة
صعب أووووي يطلع أول جنيه

لكن «
أول ما طلع الجنيه الأول « وبيخسر (تلاقي الفلوس كلها طالعة من جيبه)
أصعب جنيه « هو أول جنيه للجماعة المقامرين

وأصعب أوكسجينه يسيبها الهيموجلوبين « هي أول واحدة
كان لازم الضغط يوطى من 100 إلى 60

إيه ال myoglobin بقا ???
ال myoglobin ده عايز ناس فاهمة أووووي أووووي

إذا قولتلكم إن ال myoglobin (اللي جوا العضلة) فيه ذرة حديد واحدة بس
إيه دا !!!! ذرة حديد واحدة في ال Myoglobin !!!

عارف ده معناه إيه ???
معناها يا إما ذرة الحديد دي شائلة أوكسجينه « بيقا ال myoglobin مليون على الآخر
يا إما ذرة الحديد فاضية « بيقا ال myoglobin فاضي على الآخر

ال myoglobin :
• يا أبيض
• يا أسود
مفيش رمادي فيه

ال myoglobin « يا إما شایل أوكسجينه « بيقا fully saturated
مليون على الآخر « لأنه بتملي بواحدة

يا إما مش شايها « بيقا فاضي على الآخر « completely dissociated

مفیش وسط ، مفیش رمادي
یا ملیان علی الآخر ، یا فاضی

مش عایز حد یغش ،
أنا عایز ناس عندها تخیل ال curve ممکن یبقا شكله إیه ،
یا أبيض یا أسود

إنت متخیل ال curve ده شكله یكون إیه ؟؟؟

- ال curve عندك ، خط بالعرض دا لو إحنا fully saturated
- ال curve عندك ، خط نازل زاویة قائمة علطول ، completely dissociated

Myoglobin یا ملیان یا فاضی
طیب ،

الكلام ده هنكتبه إزای فی الإمتحان ؟؟؟

مكتوب عندكم ، ال curve << rectangular

یعنی إیه rectangular ؟؟

مستطیل

یعنی زاویة قائمة

ال curve هنا لیه زاویة قائمة ،

عرفت لیه زاویة قائمة ؟؟؟

أصله یا أبيض ، یا أسود

طیب ،

فیہ كلمة بایخة بعد كلمة rectangular ،

Hyper pola

قطب مشدود

إیه القطب المشدود ده ؟؟

بص معايا لو سمحت ،

الجماعة العلماء قالوا : إن ال curve الجديد ده عبارة عن إیه ؟؟؟

إذا مسكت ال curve العادي بتاع الهيموجلوبين ، من القطب بتاعه

وشديته معاك لفوق ،

ال curve الهيموجلوبين العادي ، مسكته من النص كده بإيدك وشديته معاك لفوق

یبقا ال curve الی فوق ده ، قطبه مشدود

hyper pola

یبقا ال curve بتاعك زاویة قائمة ، فهمت زاویة قائمة لیه ؟؟

hyper pola

ال curve الأوكسجين العادي كأنك مسكته من النص ، شديته معاك لفوق ، أصبح القطب بتاعه مشدود

طبيب «

سؤال دلوقتي « يا ترى إيه ال myoglobin ده » فائدته إيه جوا العضلة ؟؟؟

ال Myoglobin يا أولاد داخل العضلة عامل زي القرش الأبيض

اللي بينفع في اليوم الأسود (هو ممكن يكون خطأ يتقال اليوم الأسود عقدياً I think)

عارف إيه هو اليوم الأسود في حياة العضلة ؟؟؟

وقت ال contraction

إنت عارف وقت ما العضلة بتعمل contraction

قافلة على الدم اللي جايلها « مش واصلها دم خالص »

أثناء ال contraction « الأوعية اللي جاية ليها مقفولة » مفيش هيموجلوبين رايح للعضلة يديها أوكسجين

عارف وقت ال contraction هو ده اليوم الأسود في حياة العضلة «

عارف العضلة هتأخذ أوكسجين مين في الحالة دي ؟؟

من ال myoglobin

من القرش الأبيض

Myoglobin << small storage of oxygen

عارف لما العضلة بتريح بقا « بعد ال contraction

الدم يروح للعضلة « يخش ليها طبيعي »

الهيموجلوبين اللي في الدم اللي رايحلها مليون oxygen

الهيموجلوبين اللي رايح للعضلة دلوقتي بعد ال contraction

زي ما بيدي العضلة oxygen

بيعبي ال myoglobin بالأوكسجين

استعداداً لل contraction اللي بعده

إنتوا في فكركم إن العضلة « قامت بال contraction «

آخر واحد في حياتها ولا إيه ؟؟؟ !!!

دي ياما هتقوم ب contractions فيما بعد

بيقا تبعاً للشرح «

من يعطي من أوكسجين ؟؟ الهيموجلوبين بيدي ال myoglobin ؟؟؟ ولا ال Myoglobin اللي بيدي ال hemoglobin ؟؟؟

الهيموجلوبين بيدي ال Myoglobin

كمان مرة «

مين بيدي مين أوكسجين ؟؟ الهيموجلوبين بيدي ال myoglobin ؟؟ ولا ال myoglobin اللي بيدي ال hemoglobin الأوكسجين ؟؟؟

الهيموجلوبين بيدي ال Myoglobin

يعني مين في الأثنين « ليه higher affinity to oxygen ؟؟؟

ال Myoglobin

واللي ليه higher affinity
shift to the left curve بتاعه يبقا
عشان كده يا بابا ال Myoglobin curve « مرسوم to the left
فوق كل ال curves

يبقا سعادتك لازم تفهم حاجتين على ال myoglobin curve
زاوية قائمة « لأنه يا أبيض يا أسود «

ليه مرسوم فوق ال curves كلها shift to the left ؟؟
من يعطي ؟؟ مين بيدي مين ؟؟؟

الهيموجلوبين بيدي ال myoglobin
الي ليه higher affinity « يبقا ال curve بتاعه shift to the left

السؤال الكبير بتاع الحصة خلص «
فاضلنا سؤال صغير نظري مهم « ونقفل بقا النهاردا إن شاء الله

CO₂ transport

الحصة الي فاتت كان oxygen transport
سؤال شفوي و M.C.Q.

النهاردا ال CO₂ transport
دا سؤال نظري « وبيجي

يجيلك سؤال «
كيف يُحمل ال CO₂ في ال blood ؟؟؟
ال CO₂ كما الأوكسجين في دمك
ال CO₂ :

- يا physical
- يا chemical

إحنا قولنا physical يعني إيه المرة الي فاتت ؟؟؟
يعني ذائب

و chemical الي هو في اتحادات كيميائية
زي الأوكسجين بالظبط يا أولاد «

physical form and chemical form
ال CO₂ في دمك « كما الأوكسجين «
physical and chemical forms

صححوا « لأن الكلمتين دول لما حكيتهم في الأوكسجين
كتبت على الورقة بتاعتها شفوي و M.C.Q.
هنا حاجة مختلفة

طبيب «

تعال نبتدي الأول بالصورة الذائبة من الـ CO_2

الـ CO_2 يبقى ذائب في مية الدم « (ما الـ plasma معظمها مية « والكرات الحمراء فيها مية (الـ CO_2 مع المية « في وجود إنزيم مهم جداً اسمه carbonic anhydrase
carbonic acid يدي

معلومة بليون جنيه

هذا التفاعل الي إنتوا شايفينه ده «

لا يحدث إلا داخل الكرة الحمراء (RBCs)

لأن هي الي عندها الـ carbonic anhydrase

التفاعل ده مش في الـ plasma «

الكرة الحمراء هي الي عندها الـ carbonic anhydrase

طبيب «

الـ carbonic acid الي ناتج من التفاعل « يرجع يتفكك إلى :

• hydrogen

• bicarbonate و

يا خبر أبيض !! التفاعل ده « نتج عنه قبيلة موقوتة

« hydrogen

إنت عارف التفاعل ده « نتج عنه hydrogen

الـ CO_2 مع المية في وجود الـ carbonic anhydrase

ادى الـ carbonic acid

والـ carbonic acid << راح متفكك إلى Hydrogen و bicarbonate

الـ hydrogen الي طلع من هذا التفاعل « يعملك حموضة في دمك وقموت

المرة الي فاتت أنا علمتكم «

إن الـ PH الـ normal << 7.4

وحياة الإنسان « من 7 إلى 7.7

الهيدروجين الي بيتنتج من الصورة دي « الصورة الـ physical

الـ CO_2 الي ذائب « هينتج عن التفاعل ده hydrogen

كده هنموت لا محالة « لا محالة

معندكش فرصة إنك تعيش

الـ PH هتوطى وقموت «

طبيب «

ربنا يحلها لنا إزاي المصيبة دي ؟؟؟ أكيد عنده حلول « وإلا مكناش عشنا

أول حل ربنا عمله « خلى التفاعل الي إنت شايفه ده « reversible

يسير في إتجاهين «

رايح جاي «

وال equilibrium بتاع التفاعل to the left

والله الطلبة عمالة تكرر كلام ما هي فاهماه «

يعني إيه ال equilibrium to the left ???

افهم لو سمحت

يعني من كل 1000 جزيء CO_2 (الأرقام دي مش في الكتاب « بس أنا مسؤل عنها)

من كل 1000 جزيء CO_2 « واحد بس اللي بيكمل يمين « وينتج عنه أيون الهيدروجين

ال equilibrium to the left معنى دا

يعني معظم التفاعل جاي ناحية الشمال « مش ناحية اليمين «

بيقا أول حل ربنا عمله « خلى التفاعل ده reversible

يسير في إتجاهين « وال equilibrium بتاعه to the left

من كل ألف جزيء CO_2 كام بيكمل يمين ??

واحد

وبيطلع ???

هيدروجين

منتطمنوش «

الهيدروجين اللي بيتنتج من جزيء CO_2 كل ألف

يوطي ليك ال PH تحت ال 7

ويكفي إنك تموت بردو «

دا مش الحل لوحده « مينفعش

ربنا عنده حلول أخرى «

إحنا عارفين يا أولاد « أحلى حاجة تعادل الحمض دائماً هي إيه ???

القاعدة (ال base)

طيب «

إيه رأيك إن الكرة الحمراء « فيها base حلوة أوووي

اسمها بوتاسيوم

والبلازما مليانة صوديوم

إنتوا نسيتموا كلام دكتور ناجي بتاع زمان

إن الأيونات داخل الخلية بتبدأ بحرف ال P (بي)

جوا الخلية :

• بوتاسيوم

• بروتين

• phosphate

البوتاسيوم أو الصوديوم يعادلوا ال carbonic acid ويعملوا bicarbonate

potassium bicarbonate جوا
sodium bicarbonate ال البلازما

سؤال M.C.Q. ، شافيه قصادي آخر السنة ،
يجي يقولك : مين أهم صورة موجود فيها ال CO_2 في دمك ؟؟؟
هتقولهم : bicarbonate

هيقولك : مين أكثر صورة ، لل CO_2 موجودة في دمك ؟؟؟
bicarbonate

هيقولك : مين أمن صورة ، موجود فيها ال CO_2 في دمك ؟؟؟
bicarbonate ال بردو

تعالوا نكتب 3 كلمات بالعربي ، بالنسبة لل bicarbonate
الأكثر the most abundant
الأمن the safest
الأهم the most important

بيقا مين يا أولاد أهم صورة لل CO_2 في دمنا ؟؟؟
bicarbonate ال
مين أمن صورة فيهم ؟؟؟
bicarbonate ال

ربنا يا أولاد ، جوا الجسم علمنا نستخدم كل الإمكانيات ولا بعض الإمكانيات ؟؟؟
كل الإمكانيات
ربنا جوا جسمنا ومن خلال رؤيتنا الفسيولوجي ، علمنا دائماً أن نستخدم كل الإمكانيات

إيه كل الإمكانيات دي ؟؟؟
إنتوا نسيتموا الكرة الحمراء فيها هيموجلوبين !!! والبلازما بره فيها بلازما بروتين ودي حاجات بتشتغل كا buffer
حد فاكرو من حصة ال blood الأولى زمان
ال plasma protien كا buffer
كانت كافية 15 %

الهيموجلوبين ال 85 % الباقيين كانوا أدها 6 مرات بالأمانة
دي معلومات من ال blood

الأتنين دول ، الهيموجلوبين أو البلازما بروتين بيعدوا ال CO_2

فاكر الهيموجلوبين ، كان فيه قرص وشريط ،
 ال CO_2 كان بيركب على القرص ولا الشريط ؟؟؟
 الشريط

كان بيركب في الشريط ، والشريط دا عبارة عن بروتين < يعني amino acids
 ال CO_2 ركب في amino acids
 كان إسمه إيه المركب ؟؟؟
 carb amino

بيقا لما أقولك المركب الي ناتج من إتحاد ال CO_2 مع الهيموجلوبين أو مع ال plasma protein
 اسمه إيه المركب ؟؟؟
 carb amino

أقولك حاجة ،
 الطالب العادي الي بره ، الي ماسك المذكرة بتاعتنا ، يبص عليها ، ويتفرج على ال diagrams
 هيقرأها كده ،
 هيقولك : بيقا ال CO₂ forms في ال blood
 فيه physical وفيه chemical

دي رؤية ضحلة جداً للورقة
 أنا مقولتش كده ، أنا بقول يا أولاد : إن ربنا من الأصل عمل ال chemical form بتاع ال CO_2 ما هي إلا trial
 to buffer
 عشان نعالده ، عشان منقعش في المشكلة الأولانية بتاعت الهيدروجين

يعني الأول مكنتش توزيعه ،
 من الأول دي كانت فكرة ، عشان نمنع الكارثة الي اسمها أيون الهيدروجين قدر الإمكان

بيقا يا physical يا chemical
 مين أمن صورة عندك ؟؟
 ال Bicarbonate
 مين أخطر صورة لو زادت تضيعنا ؟؟؟
 ال Physical form

كمان مرة ،
 مين أمن صورة مخطوط فيها ال CO_2 في دمك ؟؟؟
 ال Bicarbonate
 مين أخطر صورة ميصحش بيقا فيها كتير ؟؟؟
 ال Physical form

عندكم حاجة اسمها ال Total و حاجة اسمها ال tidal CO_2
 دا تبع السؤال خلي بالكم ،

نشوف ،، الي ملخبط الطلبة أول واحدة
الجماعة العلماء لما يقولوا ال Total CO₂
هما يقصدوا ال arterial CO₂

ال Total هو ال arterial
ال total هو ال arterial
هما يقصدوا كده

دا الي بيلخبط الطلبة الي بيسمعوا كلمة total
ال total هنا هو ال arterial

إذا قولتلك بقا : ال arterial blood باللون الأحمر ،،
كل 100 سم << arterial blood
فيهم 48 ملي CO₂

الطالب يقولك : مش إنت قولتنا 40 ،، 46 !!!!

ال 40 ،، 46 دي كانت إيه ؟؟
الضغوط بالملي متر زئبق ،، الضغوط ال arterial وال venous
أنا هنا بحكي عن الحجوم كام ملي موجود

كل 100 سم << arterial blood
فيهم 48 ملي CO₂

ال 48 دول يا أولاد متوزعين ،،
42 ،، 3 ،، 3

تفتكر 42 ملي من ال 48 هيكونوا موجودين في صورة إيه ؟؟

Bicarbonate ال
و 3 ذائين physical
و 3 << carb amino

أهم حاجة إنك تفتكر إن ال total هو ال arterial
ال total هو ال arterial
كلامهم كده

ماشي ،،
فيه حاجة اسمها ال tidal CO₂
حد عارف يعني إيه tide ،، مرة قولتها لكم قبل كده ؟؟؟

أيوة ،، المدة والجزر
ظاهرة إن سطح البحر يقرب للقمر ويبعد عنه ،، دي كان اسمها tide

إيه ال tidal CO₂ ده ؟؟؟

ال tissue «

ال tissue « كل 100 سم دم رايع لل tissue

ال tissue يروح حادف عليه 4 ملي CO_2

هما دول ال tidal

كل 100 سم دم « رايجين ناحية ال tissue

ال tissue « يروح رامي عليهم 4 ملي CO_2

طيب «

ليه سموهم tidal يعني؟؟؟

الفكرة ببساطة « إن ال tissue بيرمي الأربعة ملي CO_2 على الدم

والدم رايع عند ال lung

بتطرد سعادتك ال 4 ملي دول عن طريق ال expiration

بيقا ال tissue يحطهم

وال Lung ترمي

ال tissue يضيف

وال lung تحدف على بره

مع الزفير

فسموها ال tidal CO_2

ال CO_2 بيعلى وبعدين يوطى

الأربعة ملي دول يتزمووا عليه « وبعدين نرميهم

طيب «

لو جاوبتوها هطمنن إنكم فهمتوا «

إذا قولتلك إن ال 4 ملي الي بيتزمووا على الدم دول « بيتوزعوا

2.6 « 0.4 « 1

دول التوزيعة

واحدة واحدة كده «

تفتكر 2.6 من ال 4

(أكثر كمية هنعطها دايماً في أمن صورة)

الي هي في صورة إيه ؟؟؟

ال bicarbonate

0.4 تفتكر من الصورة الي ميصحش نخط فيها كتير لنضيع ؟؟؟

Physical ال

1 تبقا carb amino

والله بحلفك ، لو في الشفوي ، سألوكم توزيعة ال tidal CO₂ كام ،
 إنت مش فاكدة الأرقام ،
 يعني أنا مش فاكدة 2.6 ، 0.4 ، 1
 بس قولتي للمتحن

ال 4 ملي ال CO₂ أنا مش فاكدة أرقام بالضبط
 بس فاكدة ، إن معظمهم bicarbonate لأن ده ال safest
 وأقلهم ال physical لأن ده خطر
 وفي الوسط ال carb amino

هيدليك العلامة بتاعتك كاملة
 أنا يهمني إيه في واحد حافظ أرقام ، أنا يهمني فاهم الفكرة ولا لا

إن المعظم بيقا أمن صورة ،
 مين أمن صورة ؟؟؟
 bicarbonate ال
 المحاضرة الي جاية إن شاء الله هقولكم التوزيعة دي جت إزاي

حد بقا عارف بيقا ال venous blood
 مش مكتوبة عندكم في بعض الكتب ، اكتبوها لو سمحتم

حد عارف بقا يقولي :
 بيقا ال 100 سم << venous blood
 فيهم أد إيه CO₂ ؟؟؟ صعبة مش كده بردو ؟؟ كتير علينا

دم ال arterial << ال 100 سم فيهم 48 ملي CO₂
 ال tissue رمى عليهم 4
 بيقا ال venous فيه كام ؟؟؟
 52 ملي

طبعا أنا بتكلم في ال 100 سم
 52 = 4 + 48

كان معاك يا بابا 48 جنيه ، لقيت 4 جنيه مرمين في الشارع
 تحطهم على بعض
 بيقا روجت ب 52 جنيه

ال venous فيه 52 ملي CO₂

قبل ما نمشي ، في نهاية المحاضرة ،
 ضغوط الأوكسجين كانت كام ؟؟؟
 40 ، 100

والCO₂ كانت كام؟؟؟

46 « 40

الضغوط دي سببها ال Physical ولا ال chemical؟؟؟

ال Physical

الغازات في الإتحدات الكيميائية لا ضغوط لها

فيه خطأ في المذكرة في صفحة 20 في النظري «

الغلطة في السطر ال12

هو shift to the right

لله الحمد والمنة والثناء الحسن

تم الإنتهاء من تفريغ المحاضرة الخامسة في ال respiration للدكتور ناجي

الساعة الواحدة و 28 مساءً يوم الخميس 4 أبريل 2013

لمزيد من المواد المفرغة

على الفيس بوك

صفحة تفريغ المواد الطبية

 /dr.tafreegh

www.facebook.com/dr.tafreegh

نحبكم في الله

إذا عجبك أي شيء متفرغ تابع لصفحة أو جروب

تفريغ المواد الطبية

وحبيت حضرتك تنقله اتفضل

بذكر المصدر أو بدون

المهم إن المعلومة توصل لغيرك

واحتسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض بإختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

سلام بقا ☺